

**Nalunaarasuartaatitigut atassuteqarneq nalunaarasuartaatitigullu kiffartuussinerit
pillugit Inatsisartut inatsisaata allanngortinneqarnera pillugu Inatsisartut
inatsisissaattut siunnersuut**

(Nunap immikkoortuini akitigut naligiissaarisooqarnissaanut aamma ajunaaleernerni isumannaallisaanikkullu sullissiffiusut annertusineqarnissaannut akuersissummik pigisaqartumut peqqusinissamut tunngavissaq)
Ineqarnermut Attaveqaasersuutinullu Naalakkersuisumit saqqummiunneqartoq

pillugu

Sanaartornermut Ataatsimiititaliap

siunnersuutip aappassaaneerneqarneranut

ISUMALIUTISSIISUTAA

Ataatsimiititaliap suliarinninnermini ilaasortarai:

Inatsisartunut ilaasortaq Julianne Enoksen, Inuit Ataqatigiit, siulittaasoq
Inatsisartunut ilaasortaq Jens Napātōk', Naleraq, siulittaasup tullia
Inatsisartunut ilaasortaq Adam Kristensen, Inuit Ataqatigiit
Inatsisartunut ilaasortaq Jens Kristian Therkelsen, Siumut
Inatsisartunut ilaasortaq Lars Poulsen, Siumut

UKA2024-mi ulloq 29. september 2024 siullermeerinninnerup kingorna ataatsimiititaliap siunnersuut misissorpaa.

Siunnersuutip imarisaa siunertaalu

Tusass A/S-ip nunap immikkoortuisa akornanni akitigut naligiissaariunnaarnissaanik Atuisartunut Unammilleqatigiinnermullu Aqutsisoqarfíup 2020-mi aalajangiinera tunngavigalugu siunnersuut saqqummiunneqarpoq. Nalunaarasuartaateqarnermulli tunngasuni aningaasaqarnikkut naligiissaarinerup aalajangiussimanissaa Naalakkersuisunit kissaatigineqarmat tamanna inatsisit malillugit ingerlanneqarsinnaaqqullugu aningaasanut inatsimmi 2020-mili oqaasertaliussisoqarpoq.

Naligiissaarinerup inatsisitigut tunngaveqarnissaanik qulakkeerinninnissaq inatsisisstatut siunnersuutip siunertaraa, taamaaliornikkut oqaasertaliussinermut taarsiullugu inatsit eqqortoq aqqtigalugu pissutsit taamaaginnarsinnaaqqullugit.

Taamatuttaaq innuttaasut nunami ajunaalernermermi kalerrisaarutinik assigiinngitsunik inatsisinut naapertuuttumik atuisinnaanissaasa qulakkeerneqarnissaa siunnersuutikkut siunertarineqarpoq, tassa manna tikillugu ajunaalernermermi kalerrisaarutit inatsisit malillugit taamaallaat imaan atorneqarsinnaasimammata. Tamatuma tunngaviuvoq nunami ajunaalernermermi kalerrisaarutinik atuisinnaaneq ujaasinerit ajornaannerusumik ingerlanneqarsinnaalersissinnaagaat nalilerneqarmat, taamaaliornikkut innuttaasunut qaqqani angalaneq isumannaannerulersinneqassaaq.

Siunnersuut Inatsisartunit siullermeerneqarnera

Inatsisisssatut siunnersuut siullermeerneqarami ilassilluarneqarpoq ataatsimiititaliamillu suliarineqartussanngorlugu innersunneqarluni.

Kalaallit kikkulluunniit sumi najugaqarnergertik apeqqutaatinnagu akilersinnaasaminnik nalunaarasuartaatitigut kiffartuussinernik atuisinnaanissaat qulakkeerniarlugu siunnersuummik siullermeerinninnermi uummaarissumik oqallittoqarpoq. Kiisalu nalunaarasuartaateqarnikkut tunisassianik akikinnerusunik neqerooruteqarnissamut periarfissat suliassaqarfimmilu unammilleqatigiinnissap annertusarneqarnissaa oqallisigineqarput.

Tusarniaanermut akissutit

Inatsisisssatut siunnersuut piffissami 29. april 2024-miit 27. maj 2024-mut tusarniutigineqarpoq tusarniaanermullu akissutit inatsisisssatut siunnersuummut ilangunneqarsimapput, tamannalu Inatsisartut Siulittaasoqarfiata ilusiliinissamut piumasaqaataanut naapertuuppoq.

Siunnersuut isumaqatigineqartoq annertunerusumillu oqaaseqaatissaqartoqanngitsoq Tusass A/S-imit oqaatigineqarpoq, Kommune Qeqertalilli aammalu Aningasaqarnermut Akileraartarnermullu Naalakkersuisoqarfik inatsisisssatut siunnersuummut isornartorsiuinernik arlalinnik nassiussaqarlutik.

Suliassaqarfiit sorliit nunatsinnit tiguneqarsimasutut isigineqarnerannut inatsisisssatut siunnersuut sunniuteqassanersoq aammalu Aasiaat Radiuat sunnerneqassanersoq isumakuluutigineqartoq Kommune Qeqertaliliup ilaatigut oqaatigaa. Inatsisisssatut siunnersuut suliassaqarfinnut nunatsinnit tiguneqarsimasunut allannguiteqartitsissanngitsoq, taamaalillunilu Aasiaat Radiuata ingerlanneqarnera sunnerneqassanngitsoq, Naalakkersuisunit tamakkiisumik nassuaatigineqarmat ataatsimiititaliamit oqaatigineqassaaq.

Tamatuma saniatigut akinik aalajangersaanissamut naligiissaarinissamullu piumasaqaatit paasinartuunnginnerat ernummatigineqartoq Kommune Qeqertalimmit oqaatigineqarpoq, soorluttaaq pilersuinissamut pisussaasumik toqqaanissaq siunnersuutigineqartoq.

Pilersuinissamut pisussaasumik toqqaasoqassappat kingunerisinnaasai Aningaasaqarnermut Akileraartarnermullu Naalakkersuisoqarfimmit aamma apeqqtigineqarput, tamatumani aningaasaqarnikkut kingunerisassat pillugit paasissutissat amerlanerusut kissaatigineqarlutik. Oqaatigineqartut ataatsimiititaliamit naleqquttutut isigineqarput, pilersuinissamulli pisussaasumik toqqaanissap sooq naapertuutinngitsutut isigineqarnera Naalakkersuisunit tamakkiisumik akineqarmat oqaatigineqassaaq. Kiisalu nalunaarasuartaateqarnermut suliassaqarfimmi aningaasalersuinerup akinillu naligiissarisarnerup ersarinnerulersinneqarnissaat qulakteerniarlugu ataatsimut isigalugu sulisoqartoq aammalu tamanna illugu kingusinnerusukkut siunnersuummik immikkut saqqummiussisoqassasoq Naalakkersuisut paasissutissiissutigigaat ataatsimiititaliamit maluginiarneqarpoq.

Ataatsimut isigalugu tusarniaanermut akissutit isornartorsiuiffiusut tamarmik tamakkiisumik akineqartut ataatsimiititaliaq isumaqarpoq, maluginiarneqarporlu nalunaarasuartaateqarnermut suliassaqarfimmi aningaasaqarnikkut naligiissaarinerup attatiinnarneqarnissaata inatsisikkut tunngavissinneqarnissaai kiisalu innuttaasut nunami ajunaalernermi kalerrisaarutinik inatsisinut naapertuutumik atuisinnaanissaasa qulakteerneqarnissaai inatsisisusatut siunnersuutikkut siunertatuaasoq Naalakkersuisunit nassuaatigineqarmat.

Ataatsimiititaliap siunnersuummik suliariinninnera

Inatsisisusatut siunnersuut marlunnik pingarnertut siunertaqartoq allassimammat ataatsimiititaliamit oqaatigineqassaaq.

1. Akuersisummik pigisaqartup nunap immikkoortuini akitigut naligiissaarinissamut peqquneqarsinnaaneranut inatsisikkut tunngavissamik atuutilersitsinissap qulakteerneqarnissaai.
2. Ajunaalerterni isumannaallisaanikkullu sullissinernut tunngatillugu Namminersorlutik Oqartussat kisermaassisuuneranut ilaatisinnginnerup annertusineqarnera.

1 pillugu:

Siunertaq siulleq tassaavoq akuersisummik pigisaqartup nunap immikkoortuini akitigut naligiissaarinissamut peqquneqarsinnaaneranut inatsisikkut tunngavissamik atuutilersitsinissap qulakteerneqarnissaai. Tusass A/S-ip nunap immikkoortuisa akornanni akitigut naligiissaariunnaarnissaanik Atuisartunut Unammilleqatigiinermullu Aqutsisoqarfiup 2020-mi aalajangiinerata tamanna kinguneraa. Aningaasaqarnikkulli naligiissaarinerup attatiinnarneqarnissaai Naalakkersuisunit kissaatigineqarmat aalajangiinerup kingorna tamanna aningaasanut inatsimmi oqaasertaliussaq aqqutigalugu pivoq.

Inatsisisusatut siunnersuutip matuma siunertaraa inatsisitigut tunngavissamik pilersitsinissap qulakteerneqarnissaai, taamaaliornikkut nalunaarasuartaateqarnermut suliassaqarfimmi aningaasaqarnikkut naligiissarisarneq attatiinnarneqarsinnaaqqullugu.

Inatsimmik allannguinissaq akuerineqarpat tamatuma nassatarissavaa Inatsisartut inatsisaanni,

aalajangersakkap pissusissamisut inissinneqarfissaanik, inatsisitigut tunngavissamik pilersitsisoqassammat. Taamaalillunilu aningaasanut inatsisimmi oqaasertaliussamik ilanggussinissaq pisariaarutissaq. Akuersissuteqarnikkut aningasaqarnikkut naligiissaarisarnerup ingerlanneqareersup Tusass A/S-imit ingerlanneqarnissaanut inatsisitigut tunngavissiisoqassaaq, taamaalillunilu qulakkeerneqassalluni tamatuma inatsisikkut aalajangersarneqarnera.

Inatsimmik allannguinissaq akuerineqanngippat Tusass A/S aatsaat akinik naligiissaarinermik ingerlatsisinnaavoq, tamanna aningaasanut inatsimmi oqaasertaliussami ilangunneqarsimappat. Taamatut periuseqarneq nalorninartoqarnerussaaq, tamatumani ukiut tamaasa apeqqutaassammat aningaasanut inatsisip akuerineqarnissa aammalu aningaasanut inatsimmi oqaasertaliussinikkut tamatuma ilangunneqarnissa eqqaamaneqarnersoq. Puigorneqarpat oqaasertaliussarlu ilangunneqanngitsoorpat, tamatuma kingunerissavaa ukiumi pineqartumi aningaasaqarnikkut naligiissaarisooqarsinnaannginera, tamannalu innuttaasunut eqquissaaq.

2 pillugu:

Inatsimmik allannguinermi siunertap appaa tassaavoq nunami ajunaalernermut kalerrisaarutinik atuisinnaanerup inatsisinut naapertuuttungortinnissaa tassa nunami ajunaalernermermi kalerrisaarutinik atuisinnaaneq ujaasinerit ajornaannerusumik ingerlanneqarsinnaalersissinnaagaat nalilerneqarmat, taamaattumillu innuttaasunut qaqqani angalaneq isumannaannerulersinnaalluni. Manna tikillugu ajunaalernermermi kalerrisaarutit inatsisit malillugit taamaallaat imaani atorneqarsinnaapput.

Inatsimmik allannguineq akuerineqassappat, tamatuma kingunerissavaa ajunaalernermermi kalerrisaarutit, soorlu InReach aamma PLB, nunami ikiortissarsiorunit inatsimmut naapertuuttumik atorneqarsinnaalissammata. Taamaalillunilu inatsimmik allannguineq isumannaallisaanermik taama ittunik innuttaasut amerlanerit pissarsinissamut qaqqani aallaaniarnermermi angalanerniluunniit assingusuni nassarnissamut kajumissaarneqassapput. Qaqqami ajutoortoqarpat ikorsiissutit elektroniskiusut taakku ajutoortut ajornannginnerusumik ikiortissarsiorsinnaalersissavaat kiisalu sumerpiamiinnertik oqaatigisinjaassallugu. Taamaalilluni ujaasineq pisariinnerulissaaq.

Akerlianik inatsimmik allannguineq akuerineqanngippat ajunaalernermermi kalerrisaarutit inatsisit naapertorlugit imaani taamaallaat atorneqarsinnaapput, tassa inatsit maanna ilusini naapertorlugu imaani ajunaalernermermi isumannaallisaanikkullu sullississutinut taamaallaat attuumassuteqarmat. Innuttaasoq nunami ajantuulermermi kalerrisaarutinik atuinissaminut periarfissaqartuassaaq, taakkulu atorlugit annaassiniartartunut nalunaaruteqarsinnaalluni, ikiortissarsiorlori nunamiippat, tamanna tunngaviatigut inatsisinut naapertuutissanngilaq. Taamaattumik ikorsiissutit pitsaaqutaasa isumannaallisaanikkullu iluaqtissartaasa

nittarsaaneqarnissaat inatsisitigut tunngavissaqannginnerup ajornakusoortippaa, inatsimmi malillugu imaani taamaallaat atorneqarsinnaammat. Taamaalillunilu innuttaasut ilaasa ikorsiissutit taamaattut pissarsiarinngitsoortarpaat, naak inuit qaqqami ikiortissarsiortut annaassiniartartunit nassaarineqarnissaannut taakku annertusaataasinnaagaluartut.

Siunnersuutip aningaasaqarnikkut kingunerisassai

Siunnersuutip piviusunngortinnejnarnerani aningaasatigut kingunerisassat siunnersuummut nalinginnaasumik nassuaatini allaaserineqarput. Tassani allassimavoq siunnersuuteqarnermi siunertaq tassaasoq 2024-mut aningaasanut inatsimmi konto pingarnermi 72.20.08-mi, nalunaarasuartaateqarnermut tunngasumi, oqaasertaliussaq nr. 1-ip nalunaarasuartaatitigut atassuteqarneq nalunaarasuartaatitigullu kiffartuussinerit pillugit Inatsisartut inatsisaanni ilanngunneqarnissa. Taamaalilluni maanna ingerlariaaseq siunnersuutikkut ingerlateqqinnejnassaaq, taamaalillunilu inuussutissarsiornermik ingerlatsisunut aningaasaqarnikkut kinguneqarnissa naatsorsutigineqanngilaq.

Innuttaasunut tunngatillugu siunnersuut piviusunngortinnejnaruni aningaasaqarnikkut kingunerissavaa sumiiffinni radiukædeqarfiusuni satelliteqarfiusunilu nalunaarasuartaateqarnikkut attaveqatigiinnermut akit qaffapiluunnginnissaat kiisalu Nuummi akit appariapiluunnginnissaat. Taamaalilluni maanna ingerlariaaseq attatiinnarnejnassaaq.

Ataatsimiititaliap inassuteqaatai

- Ataatsimiititaliam i laasortat amerlanerussuteqartut Inuit Ataqatigiinneersut aamma Siumumeersut siunnersuutip akuersissutigineqarnissa inassutigaat

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassannngortippaa.

Juliane Enoksen
Siulittaasoq

Jens Napātōk'
Siulittaasup tullia

Adam Kristensen

Jens Kristian Therkelsen

Lars Poulsen